

Число 18.

Ужгород, 15. септембра 1923.

Роцник III.

# ВЛАХОВІСТНИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходить двараз в мѣсяцъ  
каждого 1-го и 15-го.

АДРЕС:  
редакції и експедиції:  
REDAKCIJA „VLAHOVISTNIK“  
Užhorod, Kapitulska, 3.

ПРЕДПЛАТА:  
на рок ..... 12.— К  
одно число .... — 60 К  
За границу .... 20 . К  
До Америки..... 1 Д.

ОБЯВЛЕНИЯ  
принимаются по дѣнѣ  
за 1 сторону .. 200 К  
за 1/2 сторону .. 120 К  
за 1/4 сторону .. 65 К

## Обратно къ Христу!

Что то? Обратно къ Христу! Назадъ къ Христу! Уже на такѣ напоминанія нуждаемеся, мы послѣдователѣ Христовоѣ вѣры? Звѣдае вѣрный христіянинъ между чѣмъ грустно размышляє надъ значеніемъ тыхъ словъ.

Айно! любезный брате! смутна по истинна правда, что многѣ суть, котрѣ были при Христѣ и теперь — жаль — мусимо имъ казати: Назадъ къ Христу!...

Испортилися народы, отдалися вѣрники Хр. церкви, отъ идеальныхъ поученій нашего, наибольшого и найискреннѣйшаго воспитателя, Христа. Исчезла изъ нихъ и послѣдня капля любви къ Богу и ближнему и вмѣсто тыхъ престественныхъ чувствъ, вселилися въ сердца ихъ низѣ обратительнѣ сквернѣ идеи, звычай, котрѣ просто отрекутъ ученію Христовому, хотятъ уничтожити, хотятъ разбили съ нимъ созданнѣ законы.

Жаль, но такъ выглядаете душевное состояніе теперѣшне у большинства людей. Многѣ христіяне носять, только названіе, что: „христіянинъ“, а въ дѣйствительности недостойнѣ на то, чтобы принятии ихъ членами такого общества, которое основано и которому главою есть самъ Христосъ.

Не блудитесь братья, бо чѣмъ глубше впадаете въ прокляту яму безбожности, чѣмъ лучше отдалисѧ отъ ученій Христовыхъ, тѣмъ тяжша буде жизнь для васъ, всѣ трудности, страданія будутъ непереносимыми муками.

Покайтесь и вернѣть ся назадъ къ Христу! Жійте и на дальше по образу якъ жилисте до тѣхъ поръ, доки ще жила въ вашихъ душахъ вѣра, заскѣплена въ васъ отцами, матерями, учителями вашими.

Пробуйте вылѣчитися изъ душевной болѣзни, укоренившейся въ васъ, и розрывающей вашъ бывшъ мирнъ розсуденія.

Не забудьте о вѣрѣ вашихъ отцовъ и не оскверняйте тѣ науки, съ которыми гордилися предки наши, и гордяться и теперь вѣрнѣ христіяне. Наша вѣра воспитала насъ и приготовила къ жизни, вскѣпляла въ насъ чувства благороднѣ, и истерла шкодливѣ и злѣ слабости наши.

Она насъ совершенствує, она дастъ намъ душевное наслажденіе, и въ ней найдемъ утѣшеніе въ часъ тяжкой минуты жизни.

Братья, заблуждшіи отъ Христа, много будете безъ цѣли блукати въ жизни, много буде васъ совѣсть грызти, и всегда передъ вами будутъ стояти, ваши злодѣянія, но отъ нихъ освободитися не будете въ состояніи, кромѣ правиль, законовъ Христовыхъ.

Науки Христовы представляютъ намъ нормы спокойной жизни, научають насъ на то, что якъ можеме общественно, безъ споровъ, безъ ненависти, мирно, въ братской любви согласно жити.

Все, что намъ доброе, драгоцѣнное, неисчезаемое дастъ, который сокровища уживляють въ насъ охоту къ жизни, и дадутъ силу, способность къ существованію.

Если вы заблуждшъ братья, ненавидите сіи Божественны поученія, невидимѣ сокровища, необходимѣ потребности души человѣческой, тогда на васъ прямо можно сказать, что изъ васъ исчезло все, что только благородное, что ваша душа огрубилася, и что вы не можете порозумѣти красоту пользу и необходимости Хр. ученія.

А ты вѣрный христіянинъ не смутился, надъ сими словами, но працюй борися, и спасай души заблудившихся

Обратно къ Христу!

Е. Хромянъ  
учитель.

Приближаются выборы до парламенту. Добрый христіянин не може голосовати на листу такой партіи, межи вождами которой там суть шизматицкѣ агитаторы, подпорователь фогтянского лжеправославія и иншѣ протицерковнѣ особы!!



## Что то отпусти?

Часто стрѣтиться чоловѣкъ съ загорѣлымъ шизматикомъ, кто коли вже ничего не може казати на нашу вѣру, верже намъ въ очи: А съ индульгенціями якъ дѣло стоитъ. Та у васъ папа за грошъ найтяжшѣ грѣхи отпускає и дастъ дозволу на цѣлый животъ грѣшно жити!?

Ишовъ разъ оденъ шизматикъ изъ одного шизматицкого села до Мукачова на ярмарокъ. И не такъ давно говоривъ іхъ батюшка за уніяцкѣ отпусты и толковавъ, что не е на свѣтѣ такихъ глупыхъ людей, якъ уніяты. Вѣрюють то, что папа за грошъ отпускає грѣхи, что лишь одну пидулу треба у уніяцкого попа купити, а съ нею може ажъ до смерти грѣшити, и что суть у нихъ такѣ молитви, котрѣ если чоловѣкъ прочитає, достане дозволу за 100 дней грѣшити и т. д. На пути ишли процесіи гр. каѳоликовъ до Мукачова на отпustь. Межи ними ишовъ и оденъ чоловѣкъ — называеме его Иваномъ — кто досга обученый бывъ въ вѣрѣ и уже не одного шизматика направивъ на добру дорогу.

Іванъ съ тымъ шизматикомъ добре знакомый бывъ. Поклонитися ему и звѣдає:

— Что Гаврило и ты идешь на уніяцкій отпustь?  
— Что менѣ до вашего отпуста? Ачей я не такій глупакъ, чтобымъ вѣровавъ, что за грошъ грѣхи можъ купити.

Іванъ: Я учився катехизму, читавъ книжки и николи нечувъ о томъ, что въ нашей вѣрѣ за грошъ грѣхи отпускаютъ.

Гаврило: Айбо я читавъ и чувъ, что у васъ безъ исповѣди можно получить отпущеніе грѣховъ, если заплатить, або прочитає молитву съ отпустомъ.

Іванъ: Видишъ якъ зле знаєшь нашу вѣру. Наша вѣра всегда то учила и учить, что грѣхи отпускаются только черезъ исповѣдь а николи черезъ молитву и за гропѣ.

Гаврило: Но та тогда что то отпустъ?

Іванъ: Я тобѣ потолкую. Якъ знаєшь грѣшникъ въ сповѣди черезъ розрѣшеніе священика очищає ся отъ своихъ грѣховъ и примирить ся съ Богомъ и Богъ ему отпустить *вічніх пекельних муки*. Однакожъ Богъ и то пожадає, чтобы чоловѣкъ за тоты велики грѣхи еще даяку покуту кончивъ. Въ давныхъ часахъ сесѣвъ покуты были даже тяжкѣ. Не разъ мусѣли такѣ грѣшники покутовати за 5, 10, 20 роковъ, постячи строго и стояли довго въ притворѣ церквей.

Гаврило: Се уже и ячувъ, у нас называютъ „епитеміями“.

Іванъ: Часомъ пакъ св. Мати Церковь, чтобы не отстрашити людей отъ сповѣди, не давала такѣ тяжкѣ покуты но перемѣнила ихъ на меншѣ. Люде менше покутовали на семъ свѣтѣ, и больша часть зостала на другій свѣт.

Гаврило: Еще все не разумію, якъ сюда належать отпustы?

Іванъ: Та такъ брате солодкій, что наставники Церкви — властію имъ данною — отпускали и туту часткары, котра позостала на другій свѣтѣ. И то такъ, что излишнѣ заслуги Іисуса Христа, Пресв. Дѣви Маріи и святыхъ даровали такимъ кающимся грѣшникамъ за даякѣ добре дѣла на пр. за молитву, постъ, милостиню и т. д.

Гаврило: Та якѣ тоты излишнѣ заслуги?

Іванъ: Ци такъ, что Христосъ могъ насъ откупити однимъ только словомъ; Пречиста Дѣва и святѣ больше заслужили, колко потребно было, чтобы зашли въ царство Божое. Сесѣвъ излишнѣ заслуги позостали, а теперь тими пользуються вѣрники.

Гаврило: Та якъ то може быти, что оден чоловѣкъ за заслуги другого чоловѣка достане спасеніе? Кто согрѣшилъ, най самъ покуту!

Іванъ: Такъ, такъ. Айбо ци не знаєшь, изъ Біблії, что Богъ Содомлянамъ обѣдавъ простити, если въ городѣ найдеся найменше 10 праведниковъ. Въ очахъ Божіихъ всѣ христіяне составляють одно стадо, где въ заслужъ одного участвують и другъ всѣ.

Гаврило: Теперь уже разумію, лишь то еще не ясное предъ мною, ожъ кто може раздѣлити сесѣвъ излишнѣ заслуги. Ачей не римскій отець?

Іванъ: Ци римскій, ци не римскій то все одно. Тотъ має право, кому передавъ Христосъ управляти его стадомъ. А то кому передавъ? Петрови и его наслѣдникамъ. Ему казавъ: „Паси агнцы мої, паси овці мої“ и „Дамъ ти клю-

Рок 1923.

„БЛАГОВѢСТНИК“

Сторона 265.

чи царства небеснаго; и еже аще сважеши и на земли, сважано будеть и на небескхъ, и еже аще розрѣшиши на земли, розрѣшено будеть и на небескхъ.“ Онъ, римскій отець установить якъ добрѣ дѣла треба зробити, чтобы чоловѣкъ участникомъ ставъ заслугамъ Іисуса и святыхъ.

Гаврило: А что то значить, что у вашихъ молитвеникахъ по молитвахъ писано въ 100 дневный отпуть або повный отпуть. То ачай только значить, что Богъ отпустить 100 дней изъ другосвѣтной покуты?

Іванъ: О нѣтъ! То только значить, что отпустить ему Богъ только изъ другосвѣтный кары, якъ бы покутовавъ бывъ за 100 дней такъ, якъ давно покутовали люде черезъ довгѣ роки. А кто достане повный отпуть, тому дѣла другосвѣтна кара отпущена, но лишь подъ тымъ условiemъ, если твердо постановить по сему жадного грѣха еще и найменшого зробити. Кому и по сповѣди любиться якій небудь найменшій грѣхъ, тотъ не достане повного отпуста.

Гаврило: Та тогды доста тяжкое дѣло достати повный отпуть!

Іванъ: Такъ, такъ. Но та ци не забудешь, что въ отпуть не грѣхи отпускаются, но кара дочасна за грѣхи и то на основѣ ислишныхъ заслугъ Христа и святыхъ, чимъ разпоряджає управитель Христового стада, римскій папа?! Еще и то хочу ти сказать, что давно не только за молитву давали такъ отпусты, но и за ишѣ добрѣ дѣла. На пр. кто даровавъ на будованя церкви, або даровавъ на хрестоносный походъ противъ Турковъ, котрѣ завойовали св. землю. Теперь уже се усунено, чтобы — котрѣ не разумѣютъ дѣло — не казали, якъ и шизматики, что за грошъ отпускаютъ грѣхи.

Такъ они пошли до отпустного мѣста. Коло церкви казань державъ одень священникъ. Правѣ то говоривъ, что Богъ лишь тому отпустить грѣхи, кто щиро пожалуе ихъ и высповѣдає; а кто еще хоче, чтобы Богъ ему и дочаснѣ кары отпустивъ, мусить причащатися и дачто помолитися на томъ святомъ мѣстѣ, окремъ того твердо пообѣцѧти, что откажеся и отъ найменшого грѣха.

Гаврило теперь уже порозумѣвъ, что якъ порожнѣ были накиды ихъ сельского батюшки на „уніятскѣ“ отпусты и такой тамъ пообѣдавъ, что лишиться отъ новой вѣры и вернеся назадъ до вѣры своихъ отцовъ.

---

Кто предплатив на „Благовѣстник“, най читає, а кто хоче читати — най предплатить!

## Брате! Ци се Христова любов?

Написав: Димитрій Кумяцький.

Дуже красна дорога веде из Сокирницъ до Копашньова. На двох боках превосходнѣ лѣсовѣ дерева зеленѣють, над которыми многораз видѣти лѣтати величезнѣ орлы — котрѣ як думка переходить чистый воздух. На сей дорозѣ стрѣтившися с одним чоловѣком, который нес под плечом святое письмо, в котором малѣ папѣрчики означували, что суть в нем выгляданѣ мѣста.

— Слава Іисусу Христу! поклонившися ему!

— Дай Боже добрий день Пане!

— Чому кланяєтесь сяк менѣ?

Я не ем жид! коло нас лише жидам кланяються сяк.

— То я думаю, что вы не есте жидом. Ай вы видав из меже тых проклятих папишов валоши, з меже них происходите, — отвѣчає менѣ мой чоловѣк.

— Та вы што есте? Вы не папиш?

Я и не быв, и не ем и не буду папишом. Напѣшъ то май прокляти люде, они знищти хотять нашу вѣру и всѣх нас русинов. — Я то знаю добрѣ!

— Но солодкій Иване — бо и имя его узнати — сякое уже не кажѣть. Та что вам чинили папишъ? Тадь они стоять на основѣ истинної Христової любви, они все туту любов держать перед очима, за котру св. апостол Павел так прекрасно говорить в своих письмах, котру любов як найкрасшу и наибольшу заповѣдь дав Христос. Люби биляжняго своеого, яко сам себе.

— Та знаете, я папиш, ибо и я признаю папу, лише зато, або иншак я ем само тот, что были тѣ русины, которых обратили на Христову вѣру Кирил и Меѳод нашъ велики славянскѣ апостолы. А любов та е tota, на котруи мы воздуждаєме наши вѣрников в католическій церкви: Да любите друг друга!

— Та вы тогда уніять-каже мой брат. Та ци знаете, я дякую за вашу уніатську любов.

— Чому? — звѣдаю я его с цѣкавостію.

— Зато, ибо там така любов, что в Калочавѣ православный чоловѣк умер, и уніатський поп не хотѣв его дати испрятати в теметув (цинтарь) уніатський.

— Но брате, теперь вы самѣ говорите против себе. Ибо то нигде не е установлено, чтобы вы допустили такого у свою хижу. А еще лучше се в наших церковных законах.

Знаете Брате! дѣло так стоить, что „православный“, щизматицкій чоловѣк не принадлежить ид церкви Христовой, бо тогда, коли стався щизматиком, тогда выступив из

церкви. Там в Колочавѣ теметув е уніатській, в котрый токмо каѳоликов, истинно православных можно погрѣбати. Кто в сей теметув незаконно тычеся, тот робит злодѣйство и краде. Тот благочестивый колочавський наш священник не токмо не дѣлав ничего против любви, но и даже вѣрно исповняв свою истинну новинность. Но знаете брате, то е твердый закон, что не дозволено нам, греко-каѳоликам в святых дѣлах общатися с еретиками христіянами. А шизматики totы суть.

— То я еще сякое не чув отвѣчае Иван.

— Добрѣ брате! Вы еще даже мало чули. Ай о бысте и вы чули дачто, та я вам скажу подеякѣ примѣры на „православну любов“.

Вы то кажете, что у папѣшов не е истинно христово любви, но у вас е. Та я вас звѣдано: Брате, ци то е истинна Христова любов, что в Нересници „православнѣ христіяне“ имуть сына невинного тамошнього священника и ножом вырѣжутъ на его тѣлѣ „православнѣ“ хресты. Ой брате се е уничтоженіе достоинства креста Гисуса Христа!

— Я за се нечув! замѣчае Иван.

— Вѣрю вам! Злодѣй за себѣ не буде казати, что краде, а ни битанга не ударить на бубен, что он е смѣтя сѣльское. Но се еще не всѣо, скажу вам еще.

— Спознаю чоловѣка, где „православнѣ“ вѣрники одрѣзали хвост марзѣ уніатських вѣрников. Ай брате, вѣрьте менѣ, даже чудна е тата ваша „православна христіянска церков“, котра возбуждає своих вѣрников, чтобы одрѣзували хвости и збитковали худобу истинных Христовых вѣрников. Се е даже смутно! И знаете солодкій Иване, если бы ничего не было иного против „православных“, тогда сесе безлюдство подкопле будинок сеї „вашої истинної церкви“ — Смѣшное то дѣло брате, что „православна“ правда, вашої церкви находится у хвостѣ худобы и ваша церьков лише таж можеся распространяти, что одрѣзуютъ хвост худобы уніатских вѣрников.

— Се не е правда, ибо я се не чув.

— Много е таких дѣл, что вы нечули, аproto суть великою правою. Вы н. пр. и то не знали, что туй буть тих людей, котрѣ не хотять быти шизматики. Я упознаю чоловѣка, который в одном мармарошском селѣ единственный „уніят“, котрого с ножами тѣряли „православною любовію наповненнѣ“ истиннѣ христіяне, бо смѣвся высловѣдати у уніатского попа. Выдите, сесе ваша любов.

Та откуду знаете сесе?

— Оттуду, что я даже много ходив и хожу меже людьми. А особенно интересує мене сія нова с любовю наповненна православна церков. И вѣрите что лучше бым бы в ходь,

что, як вѣрник той церкви, котра сяким террором разпространяє ся.

Брате, я уже дале не илу, но лише только хочу вам казати, что любов Христова терпелива. Видите он не разширяв свою науку з бойками, з насильствiem, но з любовю. Любов, така, котра бѣе, палить, збыткуе, лае, терроризуе, уничтожае, не е истинна, или кажѣть вы сами, брате, ци се е истинна любов?

— Та сяка любов нѣт!

— Но видите! А в вашой церкви сяка любов е. — Будьте здоровъ Иване. Слава Іисусу Христу!

## Из шизматицкого раю.

**Христіянскій героизм.** Что е причиною того, что в таком селѣ, где шизматики взяли верх — не много осталеся греко-католиков — потолкуе случай Ивана Вачѣль, грек.-каe. вѣрника из Бедевли. Иван Вачѣль принадлежит до класы бѣдных людей — и так из своего имѣнія не годен выжити и принужден ходити на роботу. Так ишов он из одною группою роботников из Бедевли до Бычкова. Товариши его были сами шизматики, он сам один быв межи ними уніят. Як в чекальни на станції бедевельской чекали на жељзницу, а его товариши-шизматики тѣм забавлялися, что всякого смѣха робили из него. Он сам быв межи ними слабшій от них, а другѣ товариши як ястраб на пѣтя нападали на него, вукали, гойкали — „один есть межи пами мадяр“ — плювали на него, уса ему подкручивали. Всякѣ безчести клали на него. А Иван Вачѣль что мог чинити?

Сам межи толпою ани думати не мог на то, чтобы обогнатися, а живот жестокій, заробити треба гроши и зато принужден ити там, где есть заробку. Маги его, видѣвшія якого смѣха роблять из сына ѹойкаючи казала: „Кобым мала грошай выплатила бым твои довги, чтобысь не мусѣв ити на роботу помежи таку челядь“.

Но розумѣєся грошай не есть и Вачѣль пойпов со своими „православными“ товаришами. Предполагати можеме, что и под час роботы межи своими товаришами такій быв як сирота, ибо быв под общим бойкотом и доброго слсва не чув ни от кого. Но претерпѣв, вытревав и вѣру не лишив.

От прочто есть менше уніятов в шизматицких селах. Не много есть людей, котрѣ готовы через довгій час всегда терпѣти тоты безчести и смѣхованя и другѣ прикрости, якими террористы шизматиков звыкли збытковати наших

Рок 1923.

„БЛАГОВѢСТИК“

Сторона 269.

греко-каоолических вѣрников. Но тым нашим вѣрникам однако сесь безчести не на ганьбу суть, но на славу.

Они лѣпше послѣдуютъ Христу поруганному и терніемъ покїнчанному, якъ корифеи шизматиковъ, котрѣ индіянскимъ голосомъ демонструютъ против гр. каѳ. вѣры и смѣхують, збѣгують, мадяронами называютъ кожного кто не хоче с ними ити.

Я лиш дивуюся — кому буде хосен из того, если народ от организаторов греко-восточной церкви научиться на скій способ борьбы? Ци послужить на хосен и на славу пиродности? Або религійности? Або буде май сътый? Або культурийшій?

\* \* \*

Де е чаша? Батюшка украв! Як гандлють шизматицѣ батюшки с найсвятѣйшими рѣчами, о том свѣдчить слѣдующее событие, что мы можеме и протоколами досвѣдчiti:

Кураторы, староста и сѣльскій выбор (валасманы) села Широкий Луг (ж. Марм.) заявили „святѣйшому“ синоду изѣнскому, что еще минувшого года пришов до них якійсь батюшка Мих. Самош и переслужив у них оден, або повдруга мѣсяця. За се хотѣли ему заплатити, но он грошъ не принялъ (чтобы люде видѣли, что он не за грошъ служить, но задар). Но коли уже дослужив, без знаня и вѣдома кураторов взяв чашу из церкви и понес з собою. На собраніи батюшок в Изѣ „іеромонах“ заявив, что за 500 корон готовъ им вернуть чашу. Люди согласилися и просили чашу. Но чаши не было. Де е чаша? Высвѣдчилося, что богообиційный іеромонах чашу за 330 кр. положив в залог у якогось Іосифа Братюка. Ось туй е квитанція:

#### РАСПИСКА.

На 330 Кч. отъ Братюк Іосифа, которы я получиль за чашу и другія вещи, что въ охоту за отребы въ с. Широкомъ Лугѣ. Дано 4. III. 1923. Печатка: „Русская православная церковь“. С. Н. Быстрый, К. Р. Подпись: І. М. Самошъ в. р.

Нещастнѣ „православнѣ“, котрѣ так походили з „твѣрдым священиком“, что знали робити? Заявили все „святѣйшому синоду“ и жадають, чтобы синод приказав батюшкови вернуть церкви чашу и постановлять, что батюшка сесь „подрываетъ авторитетъ духовенства и высоту (!) вѣры православной а если чашу не передастъ, тогда будуть считать чашу украденої и намъ прійдется подать въ судъ о. Іеромонаха... Просимъ обратить вниманіе Св. Синода на подобное безобразіе!... Поступки подобныхъ священниковъ не доведуть ни до чего доброго. Кураторы: Ф. Дялогз, (в. р.), В. Танинницъ (в. р.) П. Танинницъ

(в. р.), сельскіе вала сманы (!!) подпisy. Громадскій Уряд въ Широкомъ Лугѣ. Юра Дудла (в. р.) биро въ села“.

Закончиме сесю смутну исторію словами св. Писанія: „Кто имать оуши слышати, да слышитъ“.

\* \* \*

**Из финансa — батюшка.** Жив собѣ в Ужгородѣ оден старый финансный урядник: Лев Тыблевич; Бог знае, зводки прилетѣв до нас, якъ хмары принесли го сюда.

Едного красного дня пришло старому на гадку, ож суть батюшки из кондашов, из гусопасов, из кочишов, лиш правѣ из финансов нѣт. Пошов наш финанс на 23 дни до Праги, найдов там якогось Савватія, дав себе через него покропити, купив собѣ реверенду и кадильницю и вернувшись дому як готовый „православный атьоц“..

„Святѣйшій синод“ пак выименовав его до Кривого (ж. Земполин), де за два роки даръмо „дѣйствовав“ о. Méhes. Старый финанс до теперь еще лиш три разы быв в Кривом (в школѣ), айбо уже указуються плоды его місіонерства. Фотіяне погрозили тамошнаго о. духовного Юлія Роговскаго, что по „православному закону“ завалять его голову кам'ями. И коли о. духовный, як добрый пастырь остерегав своих вѣрников, чтобы варовалися от ложных пророков — финанс послав ему лист в котором лютиться, что завдає его до прокураторії.

Бѣдный батько, лиш помало с тѣлом! Мы ся не боиме таких порожных угроз, ани такой вѣры, яка таких попов мае як вы. Радиме вам мовчати, бо як трафите на своих людей та еще задѣютъ вас до мѣха. Мы еще не забыли пословицю: До мѣха с финансом!

## ВСЯЧИНА

**Осторожна перед выборами.** Интересантное дѣло сообщае в одной нѣмецкой газетѣ оден священик, кто не давно пришел из Голландіи. В Голландіи найгоршими ворогами суть Христовой вѣры т. зв. червенѣ соціалисты. Чтобы честнѣ христіяне не попали в сѣть сих безбожников, на дверех каждой Церкви вывѣшеный есть слѣдующій плакат: „Христіянине подумай, что твоя вѣра забороняе тобѣ соціалистом быти, с ними виедно голосовати и их газеты читати. Твоє мѣсто лиш в одной христіянской партіи може быти, як не хочеш твою душу запаску-

Рок 1928.

,БЛАГОВѢСТНИК“

Сторона 271.

дити смертельным грѣхом и не хочеш, чтобы в сповѣди откали тобѣ розрѣшеніе“. А у нас ци не придало быся напоминати вѣриков, чтобы не подперали ту партію, меже вождами котрой там суть найзвзятѣйшѣ шизматицкѣ агитаторы и такѣ „гр. католики“ которых нигда не видно в церкви!

\* \* \*

**Палець Божій.** „Міссіонар“ пише, что в одном селькою Жовквы (Галичина) жив оден чоловѣк заможный Микула М. Перед воиною быв он россійским шизматицким агитатором. Як пришли г. 1914 москалѣ, поклали его за старосту и он почав с помочію москальов газдовати. Рабовав неприхильных себѣ людей, реквировав худобу, выходив у москальов, что тамошнаго священика вывезли в Сибирь а на его мѣсто запровадили шизматицкого батюшку и быв завзятым агитатором шизмы в селѣ. Кто не ходив до батюшкіи сповѣдатися и на богослужение, страшно карав, арестовав и всякими хулами безчестив нашу гр. каѳ. православну вѣру.

С приходом австрійских войск утѣк пан староста до Россіи, но недовга як блудный сын вернувся в село назад. Из першу тихо сидѣв, но часом почав свой першій бунтовчій живот. Хвалив большевиков, их порядки и бунтовав народ против священика Священик в Церкви напоминав вѣриков, чтобы варовалися от того чоловѣка и не слухали на него. Он на се на улицѣ (до Церкви не ходив) отгрожався перед людьми:

„Шляк трафить того попа. Я ему смерть зроблю, як он буде ити на поле. Чтобым до вечера не дочекав, що так буде“.

Но Бог инакше розсудив. Здається, что из причины великого гибнью наш Микула похворѣвся. Видно, что боявся смерти, бо — что у нашего селянина майже не трафляється — зараз в понедѣлок рано казав себе завести до доктора. Однак там не доїхав, бо конь достав в дорозѣ сильной кольки и не мог дальше ити. Лиш другого дня (в второк) повезли го знов до доктора, кто дав ему якѣсь лѣки. Но от сих лѣков стало ему еще горше, так, что мусъли его понести до Львова на клинику. Тут сказали докторы, что от лѣков достав перекрученя кишкі и что довго он жити не буде. Так и сталося. В середу вечер наш Микула быв уже трупом. Доповнилася мѣра Божоѣ справедливости и перед судом Божіим станув несподѣванно той, кто за житя своего Бога не боявся и людей не встыдався. Кто в его смерти не видить караючоѣ руки Божої!?

\* \* \*

**„Православный“ крест.** Попала ми в руки одна книжочка. Читаю в ней, что св. Франциск Ксаверскій впав в руки своих гонителей (в Анамѣ). В карманах его нашли крестики та иншѣ церковнѣ вещи. Начали го примушовати, чтобы он сесѣ потоптав ногами. Святый не хотѣв. Про тото дали го до

вязницѣ. Много муки прияв въ темници, але вѣры своеї не отрекся. „Уже болише як оден год, что туй есть“ — сказав поганскій судія — „и не можу с ним дальще пойти, як то первого дня“.

Дня 20-го новембра 1837 года вивели святого из темницъ.  
Поганскій судія попробовав еще послѣдний раз поламати его  
крѣпость что до вѣры.

Положив также цвѣ дровцята на землю на скрест, так:




„Позерай, туй два дерева“ — говорив поганин — „и тъ не мають другого значъня, як значъня числа десять в римскомъ языцѣ X.). Переступи ихъ заразъ освобожденыи есь!“

,Нѣтъ!“ — одповѣвъ св. Францискъ — сяке не зроблю. Боло  
то лиши на ротъ твоемъ значить десять; але въ души твоей мае  
значьня креста.“

Тогда подумав собѣ поганскій судія, что переможе го та-  
кою, то бесѣдою: „Затвори очи твоѣ, та так переступи!“ Но,  
святый не послухав. „Ведѣть ия на смерть“ — так говорив —  
„но я таке не зроблю“. И сам судія признав, что „сей чоло-  
вѣк не есть звычайный! Не служить двом панам! Его вѣр-  
ность не мож зломити!“ Дав го на смерть. Волѣли му голову  
одрѣзати; но не дався учарити змысливыми словами.

От примѣр и про нас! Что отповѣсти шизматикам, коли  
кажуть, что их „православный“ крест



такій крест, як и другій, та почитуйме го и мы гр. каєолики?!  
Говорѣм, як св. Франциск говорив: „Лиш на ротѣ вашом есть  
той крест крестом, но в сердѣ вашом есть не крестом, але  
знаком раздора, раздѣленіе русинов и отмѣтаня давноѣ вѣры!“  
Або иншими словами: Не вид ‘форма’, сего креста есть то,  
что нас препятствує в почитаню сего креста — тадь и мы пра-  
восл. гр. каєолики маєме трирамснѣ кресты — но тога вра-  
ждебна, непріятельска думка, со которою шизматики поставляете  
сесь кресты много раз поруно с нашими давними крестами!“  
Шизматики въключительно (!) лиш сесь крест держать  
за справедливый крест. Пред нашим не кланяются. Батюшки  
кажуть, что каменный крест болван (?) — Прото то казав  
оден ревный и свѣдомый наш вѣрник: „Я пред крестом шизм.  
батюшком посвященным — не кланяюся тому, что давно кресты  
поставляли на славу Божу — а батюшки поставляютъ  
кресты на вражду!

# Новости

— Чудеса всягды. От коли розиша ся вѣсть, что в Комчово-Довгом нѣбы появила ся Пр. Дѣва Марія, от тогды як грибы по дождю появляють ся чудеса в каждом солѣ. Легковѣрный народ на кождом припутном крестѣ чудо глидио. Забуде, что чудо має быти такое чрезвычайное явище, что кождый видить и что легко мож спозвати. Но найлучшій доказ при чудѣ есть выздоровленіе хворых. Як найменшіе чудеси выздоровленія случають ся на таком мѣстѣ, где іѣби появило ся чтось надприродное, тогды и св. Мати Церковь признае, что то чудо дѣйстно от Бога, и позволяє туди в процесію ходити и там Богослуженіе кончити.

По можки чудесами найчудеснѣйшое дѣло, что уже и шиннитики указуються „чудеса“. Так появила ся Преч. Дѣва Марія на одном крестѣ в Русском, что посвятив батюшка кондзил Бѣляка. Сим пак цѣлком скомпромитованѣ всѣ чудоби, бо то кажда дѣтина знае, что вѣроломников и еретиков Бог николи не удостоить видѣти ни Христа ни Пречисту Дѣву Марію и для их дяки не робить жадных чудес.

Кажуть и то, что туй-там сами жиды утямили першій раз появленію Пр. Дѣвы Маріи на крестах Правда, ци шут, по знаеме, лиш то знаеме, что сим чудесам дуже радуютъ ся жиды. Накурили повнѣ лады свѣчек и дорогое про-динаютъ народови. Жид всягды гешефты позерае, и где иншак то иде, выкористае н чуда. Зато честнѣ вѣрники дайте похорон! Чудеса суть, были и будуть, бо Бог всемогущій. Но чудеса рѣдкѣ суть и не случать ся без важної причины. В кождом селѣ чудо, то уже ие чудо. Христос сказав, что кто Церковь слухае, то Его слухае; почекайме что Христова Церковь до сих чудес каже. Легковѣрность то не є чеснота христіянска и не есть заслуга перед Богом. (б)

Не выдержав до конца. Великого разголосу в свѣтѣ дощокив ся патріярха московскій Тихон. Сей найвишшій достойник шизматицкой церкви одважив ся быв перед двома роками на красный крок в оборонѣ своей церкви перед большевиками, коли запретствовав против забираня церковного имотки и переславання религії. За то большевики вкинули его до вязницѣ и ладили ся его умертвите. Его терпнія за оню церков зготовили ему в цѣлом свѣтѣ немалу славу, а Церкві гр. восточнѣй церкви наповнило радостію, что и можи ними трафитъ ся чоловѣк, кто готов за вѣру голову свою положити. Але не так красно скончило ся як гарно-

почало ся. Шизматицкому Тихонони недоставало здає ся духу, чтобы довести до конца. Перетерпѣвши больше як два роки большевицкѣ муки, недавно тому подписав письмо до большевицкої влады, в котором откликуе свої попереџнѣ протесты, перепрошую совійеты, жалує за свої поступки, обѣцює поправку и просить зволнити его из вязницѣ. Розумѣє ся, что большевики чим скорше розширили се по цѣлому свѣтови... Смутный се упадок найвишшого пастыря шизматицкої церкви. О як іншак страдають и выдержуть аж до конца мученики каѳолическої Церкви!!

— Великий каѳоліческий конгрес быв в Люблянѣ (Югославія), на котором присутний быв и сербскій король Александер. Людей и делегатов из цѣлого свѣта было выше 50.000. Конгрес отворив словенским языком сам папскій нунцій Pellagitti, Из Чехословакіи притомный быв др Бенеш, министер заграницных дѣл.

— Отпуст в Мукачовѣ. На святу Марію великий отпуст быв в Мукачовѣ. Людей было около 15—20.000, якого множества до сих пор еще и раз не было. 28 священиков, межи ними о. П. Гебей протоіерей, за три дни постоянно сповѣдали от зори до поздней ночи. На самый день праздника пришов нащивти Отпуст и п. вице-губернатор Петро Еренфельд и присутный быв на службѣ Божої. Мимо такого великого числа паломников не было жадного непорядка, что есть заслугою енергичного о. намѣстника, Булика. На отпуст пришли многѣ из шизматиков; неспокойна их совѣсть тягда до Божої Матери. Друга часть их т. е. „твердѣ“ пошли до Изы на „ярмарок“. (Туй примѣтиме нияк нечестное поведеніе руцанских шизматиков, котрѣ перед крестом шизматицким (коло чиненика) поставили одну буксу и жобрали от „уніятов“ грошѣ, чтобы напхали кешенѣ своих батюшок-кондапов.)

— Духовнѣ вправы били 5—8-го сецтембра для священников в Ужгородской духовной семинарї. Присутно било 75 духовников.

— Польское насильство над митрополитом Шептицким. Подали сме уже тоту радостну вѣсть, что митроп. Шептицкій вернувся из Риму дому. Теперь довѣдаемся что польска поліція спинила его на пути на пограничной стаціи и возвала опустити вагон, але секретарь ми-

трополита заявив, що митрополит е тяжко хворий и вагон опустити не може. Тогда поліція казала одесунути сей вагон из митрополитом на іншу жељзничну путь и обсадила сторожою. На приказ варшавского правительства потом отвезли митрополита до Познаня и там интернивали в одном монастырѣ. Его ексцепленція в вязницѣ тяжко похвоявся. Українскій народ страшно збурив ся над сим поступованіем польского правитель-

Год 1923.

„БЛАГОВѢСТИК“

Сторона 275.

стии и не с выключено, что певдоволенія народа выбухне в револуціи против поляков.

**За церковну школу.** В цілій Чехії и Словакії велике собранія держали каоолики в оборонѣ церковних школ. Всюду спісували протести до правительства в котром требують державну підпору для церковных школ и головно ученіе релігії в всіх школах. Придало бы ся и нам мало л'више дбати о наших церковных школах, и не передати их тик легко державним властям!

**Отрочданіе общества Св. Йоанна Крестителя.** Под такою назвою быв один интернат в прешевской епархіи, который уже от много часов не дѣйствовал. Генеральши владыка Діонизій Пірнідій, чтобы спасти сей руській институт от окончательной погибели, на 15го августа скликииши зборы общества, на котором решено было отворити шоп интернат. Директором выбрали о. Дюляя-а, проф. богословіи.

**Жидовское пановання в Россії.** По статистичним въікам в Россії било в минувшом році 911 комисаров. Из тих 914 людей было всего на всего только 10 россіян, 121 належало до разных народностей и 747 было юдеев. Ци не е то рѣч по присту страни?! Ци не е тоб 100 мільоновий россійскій народ порівненій в ярмъ жидовском? Ци жиль мусиме принести, что притворы комунистов вони и можи нашим народом и спорятъ людой до своей партиї. Повтор честігъ люде бо при-

ближає ся страшное рабство в жидовском ярмъ из котрого пак не е выходу.

— Греко-восточное правдолюбіе. В Нересници (ж. Мараморош, окр. Тересва) греко-восточнѣ выбудовали собѣ окремъшну церков. Но сердце тягне их назад до старой церкви. В недѣлю прийшов на вечерню Василій Бердарь из стороны гр. восточної. Съв в крылосѣ и спѣвав вечерню. Коли мати учуда голос его, серед вечернѣ прибѣгла до церкви гр. католическої и тыргала сына своего из церкви. З огляду на то, что сын е самостойным и своим газдом не повиновав ся ей. От се примѣр, что гр. восточнѣ со якою моральною силою придержуютъ у себе вѣрников. Самосудцѣ.

— Українска шизматицка церков из дня на день что раз л'више розпадає. Першій раз одорвали ся от Москвы, другій раз же от Царьгорода и заосновали окрему, самостойну церков. Не давно скликали синод (на котором не было и одного епископа) выбрали одного свѣтского чоловѣка за митрополита, кого сами священики посвятили, митрополит зараз поставив 20 дновых епископов, котрѣ дале посвячовали около 3000 священиков. Само от себе ся разумѣе, что ни один из них не має посвященія, суть простыми свѣтскими людми, якими они переже были; а теперь они службу Божу отспѣвують и беруть ся до выслужованія св. таинств. Цѣла комедія з найсвятѣйшими рѣчами. Нещастный народ, котрый таких священиков має.

**Короткъ вѣсти.** Страшнѣй землетрус быв в Японіи; число жертв выходить на три міліоны. — В Вѣдни велическое каѳолическое собраніе быко 14. юлія. Собралося 250.000 людей. — Большевицкое правительство готовило законопроект, на основѣ которого хотятъ всѣ звоны зrekвиrowati для морских лѣтаков.

---



---

## ЛИТЕРАТУРА

**Нива.** Ч. 6—7. Двойное число с богатым содержаніем. Из много статей вызначнѣйшѣ: еп. Боцян: Перед ювилеем св. Іосафата. З. Кузьма: Про что и як нам проповѣдати в нынѣших часах? Др. Г. Костельник: Василько ци не Василько? (О Бродских явищах.) Вѣсти из свѣта. Новѣ книжки. Всячина. Предплата: 20 кч.

**Vychovatel.** Časopis vepovaný zájtmům křesť. S kolstvi, Praha II. Žitna u. č. 26.

Др. Евг. Грицак: Под червonoю владою. (І. Школьна справа на Радянской Украинѣ). Перемышль, 1923. ст. 70. Цѣна 2·50 кч. Можно заказати через Благовѣстник.

---

### НА ФОНД „БЛАГОВѢСТИКА“.

„Крѣпкое наше довѣrie, что хр. каѳ. свѣт не допушае же — доки другѣ на розширеніе блуда мілліоны и мілліоны жертвуютъ, доти розширитель правды на нашей сторонѣ с нуждою боротися довжнѣ.“ (Папа Бенедикт XV.)

На фонд „Благовѣстника“ даровали: Священики на духовных реколлекціях на проект о. Корн. Хиры: 400 Кч.

---

Священики не забудьте засылати предплаты и розширяти меже вѣрниками „Благовѣстник“!

---

РЕДАКТОР-ИЗДАТЕЛЬ:  
АВГУСТИН ВОЛОШИН.

ОТВѢЧАТЕЛЬНЫЙ РЕДАКТОР  
ЕМИЛІЯН БОЖШАЙ.

ТИПОГРАФІЯ АКЦІОНЕРНОГО ТОВАРИСТВА „УНІО“ В УЖГОРОДѢ.